



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KT 0022855 22  
Sarajevo, 19.12.2024.godine

Na osnovu člana 35. stav 2. tačke e) i člana 216. stav 3. ZKP-a BiH, donosim:

N A R E D B U  
O NESPROVOĐENJU ISTRAGE

PROTIV: [REDACTED]  
[REDACTED]  
[REDACTED]

zbog krivičnog djela - Izazivanje nacionalne rasne i vjerske mržnje, razdora i netrpeljivosti iz člana 145a stav 1. i stav 2., Krivičnog zakona Bosne i Hercegovine, jer iz prikupljenog materijala proizilazi da djelo koje je učinio prijavljeni nije krivično djelo.

O b r a z l o ž e n j e

Tužilaštvo Bosne i Hercegovine je dana 22.09.2022.godine zaprimilo krivičnu prijavu od strane [REDACTED]  
[REDACTED]

„Bosna i Hercegovine je primjer kako kršćanska i muslimanska zajednica ne mogu naći koegzistenciju. Svaki pokušaj na planeti da se upravlja ovakvim razlikama na svijetu je propao, nema nijednog primjera da je

uspio zato BiH ostaje zarobljena u stalnim neuspjelim pokušajima imahinacije", a nakon toga i izjavu dana 19.09.2022.godine za medije dao sledeću izjavu: „Tako i mi ovdje, sa muslimanima ne možemo imati zajedničke škole i zajedničke udžbenike“, te je djelujući kao izabrani dužnosnik navedenim izjavama izazvao i raspirivao nacionalnu i vjersku mržnju, unosio razdor i netrpeljivost među konstitutivne narode, a što otvara mogućnost za potencijalno remećenje javnog reda i mira, te navodeći dokaze web portala večernji.ba, jutarnji.hr, i N1.

Dana 20.09.2022.godine podnesena je i krivična prijava (prvobitno zaprimljeno i evidentirano pod predmetom T20 0 KT 0024517 23 broj koji je naknadno spojen na predmet broj T20 0 KT 0022855 22 ) od strane [REDACTED], takođe protiv [REDACTED], da je uoči posjete [REDACTED] izjavio sljedeće: „Naša težnja ka Srbiji je prirodna. Slična situacija je sa Rusima u Ukrajini, kojih je u toj zemlji 15 miliona i u kojima je rukovodstvo te zemlje zabranilo ruski jezik. Zato je specijalna operacija Rusije u Ukrajini opravdana zaštitom prava svog naroda. Tako i mi ovdje – sa muslimanima ne možemo imati zajedničke škole i zajedničke udžbenike“, te izjava „Prema njihovim riječima nije se moglo dopustiti stvaranje muslimanske države na teritoriji Evrope. A mi smo postali kolateralna šteta. Ako hoćete da mi ovdje budemo na straži dajte nam neke privilegije.“ U prijavi se navodi da prema stavu podnosioca navedene izjave predstavljaju izazivanje nacionalne rasne i vjerske mržnje, razdora i netrpeljivosti.

Postupajući po Zahtjevu Tužilaštva BiH za provjeru navoda iz navedene krivične prijave, Državna agencija za istrage i zaštitu je sačinila Zapisnik o saslušanju svjedoka [REDACTED] [REDACTED] koji u svojoj izjavi navodi da [REDACTED] otvoreno kao izabrani zvaničnik djeluje u namjeri izazivanja razdora i netrpeljivosti između kršćana i muslimana i to izjavom od [REDACTED] a potom i izjavom [REDACTED] očito ohrabren prethodnom izjavom radikalizirao svoje djelovanje, te kao lice koje ima političke poluge moći kao član [REDACTED] i predsjednik [REDACTED] dao javno u medije izjavu navodeći u množini „mi“ očito identifikujući kršćane, istakao da sa muslimanima ne možemo imati zajedničke škole i zajedničke udžbenike, što je kod ljudi izazvalo očito uznemirenje javnosti a što je posebno bilo uvećano obzirom na medijske objave u kojima su naslovi bili upravo izjave [REDACTED], a po mišljenju svjedoka sve u cilju odscepljenja R Srpske.

Državna agencija za istrage i zaštitu je postupajući po zahtjevu Tužilaštva BiH sačinila Zapisnik o uvidaju broj: [REDACTED], i tom prilikom je utvrđeno da se



nazivom: „[REDAKCIJA]“: U BiH nije moguć suživot kršćana i muslimana. Postojanje te države je neobjašnjivo“ koji je objavljen [REDAKCIJA] nije dostupan za pregled istog jer na jednom dijelu uočen je natpis: „Članak dostupan pretplatnicima Jutarnjeg.hr.“ a izvršenim uvidom u portal N1info na linku: [https://\[REDAKCIJA\]](https://[REDAKCIJA]) [REDAKCIJA] utvrđeno je da se na portalima N1info nalazi predmetni novinski članak, te je pronađeno sledeće: „Tako i mi ovdje. Sa muslimanima ne možemo imati zajedničke škole, zajedničke udžbenike.“ te je sačinena i fotodokumentacija izvršenog uviđaja na navedenim internet stranicama – večernji.hr, jutarnji.hr, i n1info.ba, broj: [REDAKCIJA]

Uvažavajući navode krivične prijave, izvršenim provjerama iste tokom koje su ispitanici podnosioci krivične prijave, te uvidom u druge materijalne dokaze, Tužilaštvo BiH je ocijenilo da u konkretnom slučaju ne postoji osnov sumnje za obilježja bića krivičnog djela Izazivanje nacionalne rasne i vjerske mržnje, razdora i netrpeljivosti iz člana 145a stav 1. i stav 2. Krivičnog zakona Bosne i Hercegovine, iz slijedećih razloga.

Krivično djelo Izazivanje nacionalne, rasne i vjerske mržnje, razdora i netrpeljivosti propisano u članu 145a stav 1. Krivičnog zakona Bosne i Hercegovine glasi:

- (1) *“Ko javno izaziva ili raspiruje nacionalnu, rasnu ili vjersku mržnju, razdor ili netrpeljivost među konstitutivnim narodima i ostalima, kao i drugima koji žive ili borave u Bosni i Hercegovini, kaznit će se kaznom zatvora od tri mjeseca do tri godine.”*
- (2) *“Ko javno podstrekne na nasilje ili mržnju usmjerenu protiv grupe osoba ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost, ako takvo ponašanje ne predstavlja krivično djelo iz stava 1) ovog člana, kazniće se kaznom zatvora od tri mjeseca do tri godine.”*

Naime, sporne izjave osumnjičenog kada se posmatraju sa aspekta postojanja bitnih elemenata koji čine biće navedenog krivičnog djela ne postoje dokazi koji upućuju na to da navedene izjave dosežu potreban i dovoljan nivo koji bi objektivno bio pogodan da potakne na nasilje ili mržnju, te u tom kontekstu, naročito uvažavajući činjenicu da predmetne izjave ukazuju na lični stav osumnjičenog, te stoga njegove izjave ne dosežu potreban i dovoljan nivo koji bi mogao potaknuti na nasilje ili mržnju, usmjerenu protiv grupe osoba ili člana određene s obzirom na rasu, boju kože, vjeroispovijest, porijeklo ili nacionalnu ili etničku

pripadnost, u konkretnom slučaju u odnosu na pripadnike Bošnjačke nacionalnosti (muslimane), iz čega proizilazi da se u ovom slučaju više radi o uvredljivim izjavama koje kao takve nisu podobne da podstaknu na nasilje ili mržnju protiv pripadnika Bošnjačke nacionalnosti (muslimane) i da se radi o izjavama za koje se može reći da imaju obilježja slobode izražavanja zaštićene čl.10 Evropske konvencije za zaštitu ljudskih prava koja kao i Međunarodni pakt o građanskim i političkim pravima garantuje svakoj osobi slobodu mišljenja ali istovremeno propisuje da svako pozivanje na nacionalnu, rasnu ili vjersku mržnju koje predstavlja podsticanje na diskriminaciju treba biti zabranjeno zakonom, odnosno iz prijave i pratećih spisa proizilazi da u konkretnom slučaju ne postoji dovoljno dokaza koji upućuju na osnov sumnje za postojanje krivičnog djela za koje se osumnjičeni prijavljuje a i uvažavajući stavove dosadašnje prakse u radu na predmetnim krivičnim djelima, pa je u skladu sa članom 216. stav 3. tačka a) ZKP BiH, donesena odluka navedena kao u dispozitivu naredbe.

U smislu odredbi člana 216. stav 4. Zakona o krivičnom postupku BiH, o odluci će biti obaviještene sranke u skladu sa odredbama Zakona o krivičnom postupku koji će biti poučeni o pravima.

TUŽILAC  
TUŽILAŠTVA/TUŽITELJSTVA BIH